



Nuuk 24. februar 2015

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga:

- 1. Siulittaasup Naalakkersuisoqarfiani pisortaanerup 21. januar Naalakkersuisut Siulittaasuat sinnerlugu Nick Nielsenimut ilumuunnginneraanissaanik piumasaqarami namminerisamik emailimit allanneranut suna peqquataava?**
- 2. Maili taanna kingorna nalunaarsorneqarpa, taamaattoqarpallu qanga tamanna piva?**
- 3. Namminersorlutik Oqartussat sinnerlugit suliaqaraanni taava namminerisamik e-mailimik atuinisseq nalinginnaasuaa?**
- 4. Namminersorlutik Oqartussanit kiffartuussinermi imaluunniit paasisutisseeqatigiinnermi namminerisamik e-mailit atornerinut Naalakkersuisut allanik ilisimasaqarpat?**

(Inatsisartuni ilaasorta, Naaja H. Nathanielsen, Inuit Ataqatigiit)

Tunggavilersuut

Namminersorlutik Oqartussat suliassaataasa isumaginerini namminerisamik e-mailit atornerarnerat isumakulunnartoqartippara.

Pisortanit saaffiginnissut namminerisamik e-mailimit nassiunneqarpat tamanna namminerisamik saaffiginnissutitut kukkusumik paasineqarsinnaavoq – tassa imaappoq nalunaarutigineqartoq pisortaneersuunngitsutut nassiussisumiilli namminerisameersuutut paasineqarsinnaassalluni.

Saaffiginnissullu namminerisamik e-mailimit nassiussaq erngertumik nalunaarsorneqanngippat tamanna suli ajornakusoornerusutut isikkoqalissaaq. Taamaalillunimi tamanut inatsisiliorneq aamma ingerlatsineq pillugu inatsisinut akerliusumik iliortoqassaaq – taamatullu nalunaarummut pineqartumut takunnikkumasunut mattussinerusinnaalluni.

Apeqqutima ullut suliffiusut qulit iluanni akineqarnissaat kissaatigivara.